



Comisiynydd y
Gymraeg
Welsh Language
Commissioner

Pwyllgor Archwilio a Risg

Gwybodaeth Recriwtio

Mae Comisiynydd y Gymraeg yn gwahodd ceisiadau ar gyfer dau aelod o Bwyllgor Archwilio a Risg Comisiynydd y Gymraeg.

Rôl y Pwyllgor

Mae'r Comisiynydd, fel Swyddog Cyfrifyddu Comisiynydd y Gymraeg, wedi sefydlu Pwyllgor Archwilio a Risg ("y Pwyllgor") sef pwyllgor o aelodau annibynnol, anweithredol i ddarparu cyngor gwrthrychol a diduedd ynghylch risg, rheolaeth a llywodraethiant.

Rydym yn chwilio yn arbennig am bobl sydd â phrofiad o systemau technegol a risgiau seibr, neu sydd â phrofiad rheoli ar lefel uwch, yn benodol ym maes Adnoddau Dynol. Fodd bynnag, byddem yn croesawu ceisiadau gan bobl o bob cefndir a phrofiad.

Mae dyletswyddau aelodau'r Pwyllgor yn cynnwys craffu ar y canlynol a'u herio:

- trefniadau rheolaeth ariannol;
- rheolaethau mewnol a systemau rheoli risg;
- trefniadau o ran cydymffurfio, chwythu'r chwiban a thwyll;
- archwilio mewnol;
- archwilio allanol;

Mae'r Pwyllgor yn cynnwys tri aelod annibynnol anweithredol, a'r Cadeirydd.

Ceir gwybodaeth ynglŷn â Chomisiynydd y Gymraeg ar y wefan gorfforaethol:

[Comisiynydd y Gymraeg](#)

Cynnwys

1	Pwrrpas y swydd	1
2	Manyldeb y person	1
3	Cyfnod y penodiad	1
4	Ymrwymiad ac Amser	2
5	Taliadau cydnabyddiaeth a chostau	2
6	Ymgeisio	2

1 Pwrpas y swydd

Prif bwrpas y swydd, sef bod yn aelod o'r pwyllgor, yw rhoi cyngor a chefnogaeth i Gomisiynydd y Gymraeg.

Bydd yr aelodau yn mynychu ac yn cymryd rhan lawn yng nghyfarydodydd y Pwyllgor. Efallai y bydd angen mynychu cyfarfodydd eraill megis hyfforddi a datblygu yn ogystal â gweithgareddau eraill yn ôl gofyn y Comisiynydd.

2 Manyleb y person

Bydd yr ymgeisydd llwyddiannus yn meddu ar y canlynol:

- profiad o weithio ar lefel bwrdd neu dim rheoli, un ai yn y sector cyhoeddus neu'r sector preifat;
- profiad o'r amgylchedd rheoleiddio, archwilio a risg;
- profiad o ddarparu cyngor clir, diduedd ar risg, rheoli a llywodraethu;
- profiad o gyrraedd amcanion corfforaethol a gwasanaethau;
- dealltwriaeth o rôl y Comisiynydd a materion sydd yn effeithio ar yr iaith Gymraeg;
- y gallu i siarad y Gymraeg;
- sgiliau datrys a dadansoddi datblygedig;
- y gallu i ddelio â sefyllfaoedd cymhleth;
- y gallu i gydweithio'n llwyddiannus mewn tîm;

Byddai arbenigedd mewn rheoli systemau technegol a diogelwch seibr, neu brofiad o rheoli ar lefel uwch yn benodol ym maes Adnoddau Dynol yn sgiliau dymunol i'w cael.

3 Cyfnod y penodiad

Bydd y penodiad am gyfnod o dair blynedd yn gychwynnol. Yn amodol ar ofynion deddfwriaeth, gellir adnewyddu'r swydd am ail dymor yn unig, os yw perfformiad yn foddhaol.

4 Ymrwymiad ac Amser

Bydd y Pwyllgor Archwilio a Risg yn cyfarfod hyd at 4 gwaith y flwyddyn. Gellir cynnal cyfarfodydd ychwanegol yn ôl y galw. Disgwylir presenoldeb rheolaidd yn y cyfarfodydd hyn.

5 Taliadau cydnabyddiaeth a chostau

Bydd aelodau'r Pwyllgor yn derbyn ffi ar gyfer mynychu cyfarfodydd ac ar gyfer gwaith paratoadol cyn y cyfarfodydd a fydd yn cyfateb i £198 y dydd (pro rata).

Bydd unrhyw gostau yn rhinwedd eich swyddogaethau ar y Pwyllgor yn cael eu had-dalu yn unol â pholisi teithio a chynhaliaeth Comisiynydd y Gymraeg.

6 Ymgeisio

Dylid anfon CV, a llythyr eglurhaol gan nodi'r hyn y gallwch ei gynnig i'r swydd a'r modd yr ydych yn cyd-fynd â'r meini prawf a nodir ym manyldeb y person, gan amlinellu unrhyw wybodaeth berthnasol, sgiliau a phrofiad. Wrth gyflwyno tystiolaeth i gefnogi eich cais, dylid cyfeirio at enghreifftiau pan ydych wedi defnyddio / dangos eich sgiliau yn eich amgylchedd busnes neu mewn unrhyw gyd-destunau eraill.

Dylid anfon yr wybodaeth at swyddi@cyg-wlc.cymru.

Y dyddiad cau ar gyfer ceisiadau yw 18:00 - Dydd Sul 22 Chwefror 2026

Noder:

Nid yw'r swyddi yn agored i gyflogeion presennol Comisiynydd y Gymraeg.

Bydd angen i Gomisiynydd y Gymraeg dderbyn tystlythyrau derbyniol.